

**MASANSAN A MAISALSALUDSOD (FAQs)**  
**2024 SUN BUCKS (SUMMER EBT)**

1. Ania ti programa a **SUN Bucks**? Ti **Summer EBT**, a naawagan **SUN Bucks**, ket baro ken permanente a programa a mangipaay iti benepisio kadagiti familia nga addaan iti edad-ageskuelan nga ubbing tapno makagatangda iti taraon bayat ti kalgaw. Umawat ti familia iti **\$177** para iti kada kualipikado nga ubing, a magastos kadagiti bulan ti kalgaw. Masapul a tinawen a mapaneknekan a kualipikado isuna.
2. Kasano a mapomponduan ti **SUN Bucks**? Ti **SUN Bucks** ket pomponduan ti **State of Hawaii** ken ti **United States Department of Agriculture (USDA)**.
3. Ti kadi **SUN Bucks** isu met laeng ti **Pandemic EBT (P-EBT)**? Saan, ti programa a **P-EBT** ket nairanta a tumulong kadagiti familia bayat ti **COVID-19 pandemic**. Naudi a nangiruar ti **P-EBT** iti benepisio idi Kalgaw ti **2023** sa nagpatinggan.

Ti **SUN Bucks** ket baro a programa a tumulong kadagiti familia a makaala iti nasustansia a taraon babaen ti panangtedna kadakuada iti benepisio a gumatang kadagiti groseria bayat ti kalgaw. Dadduma nga estudianta a kualipikado iti **P-EBT** ket saan a kualipikado iti **SUN Bucks**. Saan a kas iti **P-EBT**, masapul nga agaplay ti dadduma a familia para iti programa a **SUN Bucks**. Adu nga estudianta ti automatiko a maaprobaran para iti daytoy.

4. Siasino dagiti automatiko a makualipikar (awan ti aplikasion a makalikaguman) para iti **SUN Bucks**? Dagiti edad-ageskuelan nga ubbing ket automatiko a kualipikado iti **SUN Bucks** no:
  - Ti ubing ket miembro ti familia a nakipartisipar iti **Supplemental Nutrition Assistance Program (SNAP)** wenno **Temporary Assistance for Needy Families (TANF)** iti aniaman a bulan manipud **July 1, 2023** agingga **August 4, 2024**; wenno
  - Ti ubing ket natukoy kas menor de edad nga aywan ti estado (**foster child**), wenno tinukoy ti eskuelaanda kas **homeless, migrant**, wenno **runaway**; wenno
  - Umat-atender ti ubing iti eskuelaan a mangituktukon iti **National School Lunch Program (NSLP)**, ken nagaplay ti familia ken naaprobaran para iti libre wenno diskuento a taraon iti eskuelaan.
  - Ti eksepsion iti makalikaguman nga edad-ageskuelan nga ubbing ket ti **Head Start** ken/wenno dadduma pay a **pre-K** nga estudianta nga immatender iti programa a nakipartisipar iti **NSLP** iti eskuelaanda a makipartisipar iti **NSLP**.
5. Siasino dagiti kasapulan a mangkompleto iti aplikasion ti **SUN Bucks**? Dagiti sumaganad a familia ket masapul a kompletuenda ti aplikasion ti **SUN Bucks** a mangrugi **July 5, 2024** agingga **August 4, 2024**:
  - Dagiti familia nga addaan anak nga umat-atender iti eskuelaan a mangimanmanehar iti **Community Eligibility Provision (CEP)** a sadiay a libre ti amin a pannangan ti amin nga estudianta, a di nagaplay wenno saan a naaprobaran para iti libre wenno diskuento a taraon iti eskuelaan ken ti mabirbirokan ti pamiliada ket adda iti limit ti **Federal Income Eligibility Guidelines** wenno iti baba dayta (kitaen ti tsart iti baba).
  - Dagiti familia nga addaan iti anak nga umat-atender iti eskuelaan a mangimanmanehar iti **NSLP** a saan a naaprobaran iti libre wenno diskuento a pannangan bayat ti tawen ti eskuela ngem mabalina a kualipikado itan gapu ta ti mabirbirokan ti pamiliada ket adda iti limit ti **Federal Income Eligibility Guidelines** wenno iti baba dayta (kitaen ti tsart iti baba).

**MASANSAN A MAISALSALUDSOD (FAQs)**  
**2024 SUN BUCKS (SUMMER EBT)**

**FEDERAL INCOME ELIGIBILITY GUIDELINES EFFECTIVE JULY 1, 2024**

| Household Size              | Yearly    | Monthly  | Weekly   | Household Size | Yearly     | Monthly  | Weekly   |
|-----------------------------|-----------|----------|----------|----------------|------------|----------|----------|
| 1                           | \$ 32,024 | \$ 2,669 | \$ 616   | 5              | \$ 77,830  | \$ 6,486 | \$ 1,497 |
| 2                           | \$ 43,475 | \$ 3,623 | \$ 837   | 6              | \$ 89,281  | \$ 7,441 | \$ 1,717 |
| 3                           | \$ 54,927 | \$ 4,578 | \$ 1,057 | 7              | \$ 100,733 | \$ 8,395 | \$ 1,938 |
| 4                           | \$ 66,378 | \$ 5,532 | \$ 1,277 | 8              | \$ 112,184 | \$ 9,349 | \$ 2,158 |
| For each additional person: |           |          |          |                | \$ 11,452  | \$ 955   | \$ 221   |

6. Ania ti kayat a sawen ti edad-ageskuelan? Ti ubing nga addan iti edad a di nababbaba ngem innem a tawen, ngem saan pay nga agedad iti disiotso inton wenno sakbay ti **December 31** iti aniaman a tawen ti eskuela.
7. Ti anakko ket ages-eskuela iti balaymi (homeschool), mabalin kadi nga umawatkami iti **SUN Bucks**? Dagiti familia nga ages-eskuela ti anakda iti balay nga umawat wenno immawat iti **SNAP** wenno **TANF** iti aniaman a bulan manipud **July 1, 2023** agingga **August 4, 2024**, wenno addaan iti **foster** nga ubing a kualipikado nga umawat iti daytoy a benepisio. Dagiti familia nga interesado masapul a kompletuenda daytoy nga aplikasion ken **foster** ti ikabilda nga istatus. Kalpasanna, marepaso ti aplikasion tapno matingiting no kualipikado. Saan a kasapulan ti aplikasion para kadagiti familia nga umaw-awat iti **SNAP** ken **TANF**, pangngaasim ta kitaem ti item **3** iti ngato. Dagiti familia nga ages-eskuela ti anakda iti balay ket saan a makualipikar iti **SUN Bucks** a mausar ti mabirbirokan ti pamiliada.
8. Mano a **SUN Bucks** ti maalak? Ti **SUN Bucks** ket mairuar kas **\$177** a lump sum kada kualipikado nga ubing para iti tiempo ti kalgaw. Daytoy a kantidad ket nairanta a tumulong kadagiti groseria para iti intero a kalgaw.
9. Kaano a maawatko ti **SUN Bucks EBT** card? Para iti ubbing nga automatiko a makualipikar, (kitaen ti item **4** iti ngato) ti **SUN Bucks EBT** card a nakargaanen iti **\$177** a benepisio ket ibusonto ti mainland vendor-mi, **FIS**, mangrugi **July 16** babaen ti **USPS**. Ekspektaren koma dagiti familia a maideliber dayta iti **1-2** a lawas. Usarenmi ti pagideliberan nga adres nga adda iti rekord ti ubing iti eskuelaan, wenno ti pagideliberan nga adres ti balay sigun iti **SNAP** wenno **TANF** case-da no saan nga available ti rekord ti ubing iti eskuelaan. No patien dagiti familia a baka di umiso ti adda kadakami a pagideliberan nga adres, kontakenda koma ti **SUN Bucks Customer Service toll-free at 1-888-975-SEBT(7328)** tapno ireportda ti nagbaliw nga adresda.

Para kadagiti familia nga agaplay (kitaen ti item **5** iti ngato) ken maikeddeng a kualipikado, ti **SUN Bucks EBT** card a nakargaanen iti **\$177** a benepisio ket maibuson babaen ti **USPS** babaen ti mainland vendor-mi, **FIS**, mangrugi **July 17** sa kalpasanna, iti sumaruno nga aldaw kalpasan a maikeddeng a kualipikado para kadagiti sumaruno nga aplikasion a naawat ken naaprobaran agingga **August 4**. Ekspektaren koma dagiti familia a maideliber dayta iti **1-2** a lawas.

No ti anakmo ket **foster** nga ubing, dagiti card ket maibuson iti sentral nga opisina ti **Child Welfare** umuna iti **Oahu** sa maiturong iti mayanatup nga opisina ti **Child Welfare** a mangserserbisio iti **foster** nga ubing tapno maiwaras dagita.

**MASANSAN A MAISALSALUDSOD (FAQs)**  
**2024 SUN BUCKS (SUMMER EBT)**

10. Sadino ti mabalinko a pangusaran iti **SUN Bucks** ken ania ti magatangna? Usarem ti **SUN Bucks** iti aniaman a lugar a maawat dagiti benepiso nga **EBT**. Dagiti benepiso ket paggatang laeng iti makan. Dagiti paggatangan saanda a makaited iti supli wenna kuarta manipud iti transaksion mainaig iti benepiso a taraon. Ti laeng eksakto a gatad ti nagatang a makan ti maikissay iti account mainaig iti benepiso a taraon. No maaramid ti panangisubli babaen ti **SNAP** account, ti gatad ti maisubli ket mapan iti **EBT** card kas kredito. Saan a mabalinko a kuarta ti maisubli sigun iti **federal law**. Awan ti minimum a gatad ti doliar kada transaksion wenna maximum a bilang ti transaksion.

Para iti listan dagiti taraon para iti **SNAP**, kitaen ti [www.fns.usda.gov/snap/eligible-food-items](http://www.fns.usda.gov/snap/eligible-food-items). Mausar met ti **SUN Bucks** iti programa a **Da Bux**.

11. Ania dagiti saan a maipalubos a gatangen babaen ti **SUN Bucks**? Dagiti sumaganad a produkto ket saan a magatang ti **SUN Bucks**:

- Napudot a Taraon
- Serbesa/arak/dadduma pay a de alkohol nga inumen
- Sigarilio/tabako/dadduma pay a produkto manipud tabako
- Gasolina
- Kanen ti aso/kanen ti pusa/dadduma pay a kanen ti taraken
- Bitamina/agas

Kanayonanna, aniaman a di autorisado a panangusar, panangyakar, panangbaliw, panangtagikua, wenna panangisagut iti **SUN Bucks** a benepiso wenna card ket mabalinko a mairarum kas basol iti gobierno.

12. Kaano nga agpaso ti **SUN Bucks**? Dagiti di nausar a benepiso ket agpaso **122** aldaw kalpasan a naited ti petsa dagiti benepiso. Usarem koma ti benepiso iti uneg ti naikeddeng a tiempo. No nagpason, saan a maulit a maikarga ti benepiso.

13. Kasano a makaawat ti anakko iti **SUN Bucks** card no nagbingay ti kustodia iti dua a pamilia? Ti **SUN Bucks** a benepiso ket para laeng iti ubing; ti **SUN Bucks EBT** card ket nainagan iti ubing ken nairanta a maitugotna no mapan iti sabali a pamilia. Ti **SUN Bucks** card ti ubing ket maibuson babaen ti **USPS** iti pagideliberan nga adres ti nagannak wenna paraguardia a nailista iti rekord ti ubing iti eskuelaan. Mabalinko a daytoy ti adulto a nangisumitir iti aplikasion para iti libre ken diskuento a taraon para iti ubing, wenna ti adulto a nailista kas kangrunaan a kontak iti sistema ti eskuelaan. Pangngaasim ta makitinnulongka iti asinoman a nagannak / paraguardia ket makikaykaysaka a mangsuporta iti ubing a nakairantaan ti benepiso.

14. Ania ti masapul nga aramidek no naawatko ti **SUN Bucks** card-ko? Surotem dagiti intruksion a naisurat iti **SUN Bucks** card-mo sa mangaramid iti **PIN**. Kalpasanna, mabalinko a mausar ti card-mo a paggatang iti makan iti kaaduan a paglakuan iti groseria ken merkado ti mannalon.

15. Kasanok a sukatan ti **PIN**? Tapno masuktam ti **PIN** wenna maammuam no kasano a maprotektaram dagiti benepisio, libre a mai-download-mo ti **ebtEDGE** a mobile app wenna bisitaem ti [www.ebtEDGE.com](http://www.ebtEDGE.com).

No napukaw ti **SUN Bucks** card-mo, natakaw wenna naperdi ket kasapulam ti sukatan a card,

**MASANSAN A MAISALSALUDSOD (FAQs)**  
**2024 SUN BUCKS (SUMMER EBT)**

matawagam ti **FIS Customer Service Center** toll-free at **1-888-328-4292**.

- 16.** Rumbeng kadi a kompletuek ti aplikasion no makaawatak iti abiso a mangibagbaga a naaprobaran ti anakko para iti **SUN Bucks** iti Kalgaw **2024**? Saan, ngem basaem koma ti abiso ken ti nairagpin a **FAQs** maipapan iti **SUN Bucks**. No adda aniaman nga ubing iti pamiliam nga awan iti abiso ti pannakakualipikar, kontakem koma ti **SUN Bucks Customer Service** toll-free at **1-888-975-SEBT(7328)**.
- 17.** Masierto kadi no husto ti impaayko nga impormasion iti aplikasion? Wen. Mabalin pay nga agkiddawkami iti naisurat nga ebidensia iti mabirbirokan ti pamiliam nga inreportmo.
- 18.** No saanak a makualipikar ita, mabalin kadi nga agaplayakto manen? Wen, mabalinmo ti agaplay iti aniaman a tiempo bayat ti **SUN Bucks 2024** a silulukat agingga **August 4, 2024**. Kas pagarigan, no sika wenno maysa a kapamiliam ti maawanan iti sueldo wenno mapukawan iti trabaho, mabalinmo ti agaplay manen ket mabalin a kualipikadon ti anakmo iti **SUN Bucks** no ti mabirbirokan ti pamiliam ket addan iti baba ti limit ti gatad a mabirbirokan.
- 19.** Kasonon no diak umanamong iti desision maipapan iti aplikasionko? Kontakem koma ti **SUN Bucks Customer Service** toll-free at **1-888-975-SEBT(7328)**.
- 20.** Mabalinko kadi ti agaplay no adda maysa iti familiak a saan a **U.S. citizen**? Wen. Sika, ti anakmo, wenno sabali pay a miembro ti pamiliam ket saan a masapul a **U.S. citizens** tapno makaaplay.
- 21.** Kasonon no di agbalbaliw ti mabirbirokak? Ilistam ti gatad a **gagangay** a maaw-awatmo. Kas pagarigan, no gagangay a **\$1,000** ti sueldom kada bulan, ngem adda nalanganam a trabaho iti napalabas a bulan ket nakasueldoka laeng iti **\$900**, ikabilmo a nakasueldoka iti **\$1,000** kada bulan. No gagangay nga ag-overtime-ka, iramanmo dayta, ngem saanmo nga iraman dayta no manmanoka nga ag-overtime. No napukawanka iti trabaho wenno naksayan ti oras ti panagtrabahom wenno ti sueldom, usarem ti agdama a gatad a mabirbirokam.
- 22.** Kasonon no ti dadduma a miembro ti pamiliam ket awan ti maireportda a mabirbirokanda? Mabalin a saan a makaawat dagiti miembro ti familia ti dadduma a klase ti mabirbirokan a kidkiddawenmi nga ireportmo iti aplikasion, wenno awan pay ketdi pulos ti mabirbirokanda. No mapasamak daytoy, isuratmo koma ti **"0"** iti espasio. Nupay kasta, no nabay-an a blanko dagiti espasio para iti gatad a mabirbirokan, maibilang met dagita kas zero. Agannadka koma no bay-am a blanko dagiti espasio para iti gatad a mabirbirokan, ta ipagarupmi a kasta a talaga.
- 23.** Kasonon no awan ti umanay nga espasio iti aplikasion para iti familiak? Ilista ti aniaman a kanayonan a miembro ti familia ken ti makalikaguman nga impormasion iti

**MASANSAN A MAISALSALUDSOD (FAQs)**  
**2024 SUN BUCKS (SUMMER EBT)**

sabali a papel, sa iragpin dayta iti aplikasionmo.

24. Mabalinko kadi ti agaplay online? Wen! Iparegtami a kompletuem ti maysa nga online nga aplikasion imbes a papel nga aplikasion no kabaalam. Ti online nga aplikasion ket isu met laeng dagiti kalikagumanna ken kiddawenna nga impormasion kas iti papel nga aplikasion. Bisitaen ti [sunbucks.dhs.hawaii.gov](https://sunbucks.dhs.hawaii.gov) tapno mairugim ti online nga aplikasion wenno kasapulan nga i-download-mo ti papel nga aplikasion. Kontakem ti **the SUN Bucks Customer Service toll-free at 1-888-975-SEBT(7328)** no adda saludsodmo maipapan iti proseso ti online nga aplikasion.

**Non-Discrimination a Testamento:** Ilawlawag daytoy no ania ti aramidem no patiem a di patas ti pannakatratom.

Maitunos iti **federal civil rights law** ken iti regulasion ken polisia ti **U.S. Department of Agriculture (USDA) civil rights**, maiparit iti daytoy nga institusion ti **discriminating base** iti **race, color, national origin, sex (including gender identity and sexual orientation), disability, age,** wenno agibales wenno agisubbot para iti nasakbay a **civil rights** nga aktibidad.

Ti impormasion iti programa ket mabalin a maaramid iti sabali a lengguahe malaksid iti **English**. Dagiti indibidual nga addaan disabilidad nga agkasapulan iti sabali a pamay-an ti pannakikomunikar tapno maalana ti impormasion ti programa (kas pagarigan, **Braille, large print, audiotape, American Sign Language**), ket kumontak koma iti responsable nga ahensia ti estado wenno lokal nga ahensia a mangipatpatungpal iti programa wenno iti **USDA's TARGET Center at 202-720-2600 (voice and TTY)** wenno kontakem ti **USDA** babaen ti **Federal Relay Service at 800-877-8339**.

Tapno mangipila iti reklamo a **discrimination** iti programa, ti **Complainant** masapul a kompletuenna ti **Form AD-3027, USDA Program Discrimination Complaint Form** a maala online iti: <https://www.usda.gov/sites/default/files/documents/ad-3027.pdf>, manipud iti aniaman nga opisina ti **USDA**, babaen ti panangtawag iti **866-632-9992**, wenno babaen ti panagaramid iti surat a mayadres iti **USDA**. Masapul a naglaon ti surat iti nagan, adres, numero ti telepono, ken naisurat a deskripsion ti **complainant** maipapan iti maikunkuna a **discriminatory** a tignay iti umdas a detalye tapno mapakaammuan ti **Assistant Secretary for Civil Rights (ASCR)** maipapan iti kasasaad ken petsa ti maikunkuna a panangsalungasing kadagiti sibil a kalintegan. Ti nakompleto nga **AD-3027** form wenno surat ket masapul a maisumitir iti **USDA** babaen ti:

koreo:

U.S. Department of Agriculture  
Office of the Assistant Secretary for Civil Rights  
1400 Independence Avenue, SW  
Washington, D.C. 20250-9410; or  
fax:  
833-256-1665 or 202-690-7442; or  
email:  
[Program.Intake@usda.gov](mailto:Program.Intake@usda.gov)

Daytoy nga institusion ket mangipapaay iti patas nga oportunidad.